

## I. ЯЛПИ ХУДУДИЙ МАҲСУЛОТ

Дастлабки маълумотларга кўра, вилоятда 2020 йилнинг январь-сентябрь ойларида ишлаб чиқарилган ялпи ҳудудий маҳсулот (ЯХМ) ҳажми жорий нархларда 12 057,8 млрд. сўмни ташкил этди. ЯХМнинг ўсиш суръати ўтган йилнинг мос даврига нисбатан 102,4 фоизни ташкил этди.

**Ялпи ҳудудий маҳсулот (ЯХМ)** – миллий ҳисоблар тизимининг асосий кўрсаткичи бўлиб, муайян даврда минтақанинг иқтисодий ҳудудида жойлашган резидент – институционал бирликлар ишлаб чиқариши фаолиятининг якуний натижасини ифодалайди. ЯХМ ишлаб чиқариши усулида, иқтисодий фаолият турлари бўйича ялпи қўшилган қиймат ҳажми ва маҳсулотларга соф солиқлар йиғиндиси орқали ҳисобланади.


Иқтисодиётнинг асосий тармоқларида кузатилган ўсиш суръатлари ЯХМ ўсишида асосий омил бўлиб хизмат қилди. Жумладан, қишлоқ, ўрмон ва балиқ хўжалиги тармоғининг ўсиш суръати 104,2 фоиз, (ЯХМ таркибидаги улуши 55,1 фоиз), саноат – 103,7 фоиз (10,8 фоиз), қурилиш – 103,5 фоиз (8,3 фоиз), савдо, яшаш ва овқатланиш бўйича хизматлар – 90,3 фоиз (5,9 фоиз), ташиш ва сақлаш, ахборот ва алоқа – 109,4 фоиз (4,0 фоиз) ва хизмат кўрсатувчи бошқа тармоқлар 98,9 фоиз (15,9 фоиз)ни ташкил қилди.

### 2020 йилнинг январь-сентябрида иқтисодий фаолият турлари бўйича ЯХМнинг ишлаб чиқаришда тармоқларнинг улуши, фоизда

Қишлоқ, ўрмон ва  
балиқ хўжалиги



Саноат




Қурилиш




Савдо, яшаш ва  
овқатланиш бўйича  
хизматлар



Ташиш ва сақлаш,  
ахборот ва алоқа




Савдо, яшаш ва  
овқатланиш бўйича  
хизматлар



ЯХМ дефлятор индекси 2019 йилнинг январь-сентябрь ойларидаги нархларга нисбатан 111,4 фоизни ташкил этди.

(фоизда)




Аҳоли жон бошига ҳисобланган ЯХМ 8 658,5 минг сўмни ташкил этди ва бу кўрсаткич ўтган йилнинг мос даврига нисбатан 0,3 фоизга юқоридир.

**2020 йилнинг январь-сентябрида иқтисодий фаолият турлари бўйича ЯХМнинг ишлаб чиқариш усули билан ҳисобланган таркиби**

	Млрд. сўм	2019 йил январь-сентябрига нисбатан фоизда	ЯХМ ўсишидаги ҳиссаси, % да
<b>ЯХМ - жами</b>	<b>12 057,8</b>	<b>102,4</b>	<b>2,4</b>
<i>шу жумладан:</i>			
<b>Тармоқларнинг ялпи қўшилган қиймати</b>	<b>11 850,8</b>	<b>102,4</b>	<b>2,3</b>
қишлоқ, ўрмон ва балиқ хўжалиги	6 529,0	104,2	2,1
саноат	1 276,8	103,7	0,4
Қурилиш	978,8	103,5	0,3
савдо, яшаш ва овқатланиш бўйича хизматлар	697,3	90,3	-0,6
ташиш ва сақлаш, ахборот ва алоқа	468,3	109,4	0,3
бошқа хизмат тармоқлари	1 900,6	98,9	-0,2
<b>Маҳсулотларга соф солиқлар</b>	<b>207,0</b>	<b>102,4</b>	<b>0,1</b>

Иқтисодий ўсиш суръати миллий иқтисодиётнинг асосий тармоқларида кузатилган ижобий ўсиш суръатлари билан боғлиқдир. Иқтисодиётнинг барча тармоқларида яратилган ялпи қўшилган қиймат (кейинги ўринларда ЯҚҚ) ҳажми ЯХМ умумий ҳажмининг 98,3 фоизини ташкил этди ва 2,4 фоизга ўсди (ЯХМ мутлоқ ўсишига таъсири 2,3 фоиз пунктни ташкил этди). Маҳсулотларга соф солиқларнинг ЯХМ таркибидаги улуши 1,7 фоизни ташкил этди ва -0,6 фоиз даражасида пасайиш қайд этилди (ЯХМ мутлоқ ўсишига таъсири 0,1 ф.п.).

**2020 йил январь-сентябрь ойлари учун ЯХМнинг  
иқтисодий фаолият турлари бўйича ўсиш суръатлари, % да**




ЯХМ ўсиш суръатига қишлоқ, ўрмон ва балиқ хўжалиги энг катта таъсир кўрсатди (4,2 ф.п.) ва бу соҳа ўтган йилнинг январь-сентябрь ойига нисбатан 2,1 фоизга ўсиши таъминланди.

2020 йилнинг январь-сентябрь ойлари якунларига кўра, саноат соҳасида ҳам 3,7 фоиз даражасида ижобий ўсиш суръати кузатилди. Мазкур тармоқдаги ўсиш суръати ҳисобидан ЯХМнинг 0,4 ф.п. ўсиши таъминланди.

Қурилиш тармоғининг ўсиш суръатлари 3,5 фоизни ташкил этди. ЯХМ мутлоқ ўсишида қурилиш тармоғининг ижобий ҳиссаси 0,3 ф.п. даражасида баҳоланди.


**Ялпи ҳудудий маҳсулотнинг тармоқлар бўйича таркиби  
январь-сентябрь ҳолатига (жамига нисбатан фоизда)**




2020 йилнинг январь-сентябрь ойларида ЯХМ таркибида хизматлар соҳасининг улуши 25,8 фоизни ташкил қилди, бу эса 2019 йилнинг январь-сентябрига нисбатан 1,5 фоиз пунктга камайган (27,3 фоиз). Жумладан, савдо, яшаш ва овқатланиш бўйича хизматлар улуши 1,0 фоиз пунктга, ташиш ва сақлаш, ахборот ва алоқа хизматларида ўзгариш кутилмади ҳамда хизмат кўрсатувчи бошқа тармоқлар улуши 0,5 фоиз пунктга камайган.

**Хизматлар соҳасининг ялпи қўшилган қиймати таркиби  
(жамига нисбатан фоизда)**

**2019 йил январь-сентябрь**



**2020 йил январь-сентябрь**



- Савдо, яшаш ва овқатланиш бўйича хизматлар
- Ташиш ва сақлаш, ахборот ва алоқа
- Хизмат кўрсатувчи бошқа тармоқлар

Жумладан, савдо, яшаш ва овқатланиш бўйича хизматларнинг ЯҲМ тармоқлари таркибидаги улуши 2020 йил январь-сентябрь ойларида – 5,9 фоизни (2019 йил январь – сентябрь ойларида – 6,9 фоиз), ташиш ва сақлаш, ахборот ва алоқа 4,0 фоизни (4,0 фоиз), хизмат кўрсатувчи бошқа тармоқлар – 15,9 фоизни (16,4 фоиз) ташкил этди.